

明詩別裁集

七卷八

本庄

13

1112

4

55

60

65

門 4 13
號 1112
卷 4

明詩別裁集卷七目錄

高叔嗣 九首

徐階 二首

鄭且 一首

張時徹 二首

蘇祐 三首

華察 六首

陸粲 一首

大正十五年二月
房仙文部氏寄贈

明詩別裁集

卷七目錄

011702039160

袁 袁 四首

王慎中 三首

皇甫冲 二首

皇甫汈 六首

唐順之 三首

陳 東 二首

黃省曾 一首

錢 蝶 六首

尹 耕 十首

皇甫洵 八首

蔡 楠 一首

黎民表 一首

沈 鍊 二首

翁大立 一首

王 問 三首

徐文通 一首

明詩別裁集

卷十目錄

二

陳臯謨 一首

張居正 一首

楊繼盛 一首

楊 巍 二首

姚汝循 二首

魏時亮 一首

申時行 二首

唐 鉞 一首

許邦才 一首

皇甫濂 二首

明詩別裁集卷七

長洲 沈德潛確士

周 準欽萊

同輯

高叔嗣

叔嗣字子業祥符人嘉靖癸未進士官至湖廣按察使。

蘇門五言冲淡得韋蘇州體王元美評云如高山鼓琴沉思忽往木葉畫

脫石氣自青良然。王敬美云徐昂

穀高子業二君詩有不而皆巧於用短徐以高韻勝高以深情勝更千

百年李何有時廢興二君必無絕響

再調考工作

明詩別裁集

卷七

引疾上三書。微願不克諧。徙官復在茲。心
迹一何乖。軒裳日待且。閭闔凌雲排。入屬
金馬籍。出與群龍偕。積賤詎有基。履榮誠
無階。但惜平生節。逾久浸沉埋。既妨來者
途。誰明去矣懷。鳥迷思故林。水落存舊涯。
惟當尋素業。師卧守荆柴。
謹微葆真不燥
進不巧賢卓然

古歌

想其風緊。入理
不腐善學大謝

荆和當路泣良璞。為誰明。茫然大楚國。印
几尖。魚城燕石十襲重。魚口一笈。匣古求
多慮。嗚呼。吞聲

叙懷

伊昔迨弱冠。奮足參賢豪。衣褐出下國。腕
輓造中朝。聖期開九五。河清在一朝。外能
假玄淵。鳴風託芳條。五從宰府辟。連荷公
叔招。名過有瑕。類道在無矜。驕猶不肖

軀解冕未道遙

答谷司僕見問

幸自返中園。非關逃微祿。方因疾病餘。甞
勉供樵牧。春至東郭田。夏來北林木。時從
遠原上。日縱平郊目。野老逢與言。消書間
能讀。何能共世人。無事相追逐。勞君問出
處。日暮掩茅屋。

簡袁永之獄中

本同江海人。俱為軒冕誤。子抱牙妄憂。余
有多言懼。昔來始青陽。今此已白露。豈乏
速進階。苟得非予慕。罪至欲何言。直以愚
慵故。衆女競中閨。獨退反成怒。追誦古時
人。蒙寬誰能訴。皇心肯照微。與子齊歸路。

病起偶題

空齋晨起坐。懽遊罷不遑。微雨東方來。陰
靄倏終夕。久卧不知春。茫然怨行役。故園

芳草色。惆悵今如積。

送別德兆武選放歸

燕郊秋已甚。木葉亂紛紛。失路還為客。他鄉獨送君。罷歸時共惜。棄置古常聞。莫作空山卧。令人望白雲。

今水嶺晚行

客興日無奈。兵荒歲屢加。少年曾許國。多難更移家。遠水通春騎。孤城起暮笳。憑高一回首。何處是京華。

寒食定興道中

二月鶯花少。千家雨霏霏。可憐值寒食。猶未換征衣。積水生空霧。高城背落暉。忽看楊柳色。從此去王畿。

徐階

階

階字子升。華亭人。嘉靖癸未。賜進士第三。累官少師。吏部

尚書贈太師謚文貞

送司封仲芳楊子赴留都

哲人重道義。朝貴不足縻。丈夫志四方。遠
 適非所悲。如何與子別。悵悵不忍辭。古道
 日淪替。群諛紛追隨。子獨諒迂僻。經訓相
 劇規。去住忽以異。麗澤安所資。頽波無停
 流。靈耀亦西馳。感此重念子。何以慰爾知。
 至理不外得。吾心實吾師。願言勵操存。千
 里同襟期。

橫溪為彭允禎賦

橫溪東去水迢迢。虛閣重簷共寂寥。山外
 夕陽低度鳥。雨餘春渚暗通潮。寒空落葉
 書聲靜。秋草孤帆客夢遙。欲徙石湖湖上
 石。為君乘月更吹簫。

鄭旦

旦字希周。歙縣人。嘉靖癸未進士官至浙江布政使。

曉發洱海夕次濱川

天高野曠瘴烟收。風急霜繁落木秋。箬道
 千盤臨戍堡。山城百雉入邊州。諸蕃樂歲

休戎馬。孤館頻年望斗牛。夜半角聲吹激烈。紛紛涼月照人愁。

張時徹

時徹字唯靜。勤縣人。嘉靖癸未進士官至南京兵部尚書。

采葛篇

種葛南山下。春風吹葛長。二月吹葛綠。八月吹葛黃。腰鎌逝采掇。織作君衣裳。經以長相憶。緯以思不忘。出入君篋笥。長得近輝光。層冰布河水。中野皓凝霜。吳羅五文

采蜀錦。雙鴛鴦。君恩當斷絕。嘆息摧中腸。

中腸日以摧。葛葉日以衰。願留枯根株。化作

萱草枝。

古樂府語意。

初秋

一聲漁唱海天秋。素練初飛白鷺洲。亦有芙蓉自開落。何人解識漢宮愁。

蘇

祐

祐字久吉。濮州人。嘉靖丙戌進士官至兵部左侍郎。宣大

總督

九日

落木驚風候。淹留感歲華。陰雲連紫塞。清淚對黃花。八駿周京馬。孤蓬漢相槎。高臺予懶上。不為苦思家。

予告歸入倒馬關作

南風吹雨傍關來。關上千峰畫角哀。老去尚憐金甲在。生還重見玉門開。鷓鴣絃謾引。思歸調虎節空慙。上將才聖主恩深何以

報車前部曲重徘徊

塞下曲

將軍營外月輪高。獵獵西風吹戰袍。感築無聲河漢轉。露華霜氣滿弓刀。

華

察

察字子潛無錫人嘉靖丙戌進士官至侍讀學士掌南院

學士五言冲淡有陶韋風然垢氣已離未穿溟滓

秋日觀稼樓曉望

日出天氣清。山中悵幽獨。登高一眺望。風

物淒以肅。流水映郊扉。炊烟散林屋。秋原
 一何曠。薄陰翳荒竹。時聞鳥雀喧。因念禾
 黍熟。悠悠沮溺心。千載猶在目。王摩詰
 雀喧禾黍
熟此衍作十字
 便不及古人

宿玉陽山房

返照明溪梁。深松晦夕景。巖卧符夙期。雲
 陰石牀冷。因投物外心。遂入清虛境。天寒
 木葉疎。月照山房靜。然燈獨不寐。秋宵一

何永明發從此辭。白雲鎖蒼嶺。

游善卷碧仙巖

落日下空門。齋鐘出林莽。偶茲叩精廬。再
 宿翠微上。舊游不知處。但見松杉長。巖虛
 靈氣清。水覺心旣爽。月白山窓高。夜靜風
 泉響。淒令寤寐中。超然脫塵網。雲壑水棲
 遲願言稅歸鞅。

五月望夜與諸君山中再酌

仲夏苦書永。薰風起將夕。圓景海上來。照此山中客。坐令微暑消。兼使眾累釋。興至時命觴。露下復移席。因耽水竹居。遂同魚鳥跡。盤遊豈忘返。翫物聊自適。臺空人影。踈夜靜。潭氣白。參差樹杪峰。歷歷辨咫尺。超然悟真境。萬物一虛寂。

山臺曉望懷王僅初不至

初日照臺上。興來成獨遊。天高宿霧盡。木

落空山秋。曉色侵殘鬢。新寒上故裘。吳門隔烟水。悵望空悠悠。

惠山寺與施子羽話別

看山不覺暝。月出禪林幽。夜靜見空色。身閑忘去留。踈鐘隔雲度。殘葉映泉流。此地欲為別。諸天生暮愁。夜靜見空色五字入微然鍾譚專取此種

便與詩道日遠

陸 粲 粲字子餘長洲人嘉靖丙戌進士官工科給事中坐劾張

桂謫都勻驛丞
遷知永新縣

贈別王直夫

威鳳天際翔。潛虬澤中蟠。嚴子時閉肆。百
公。彈冠顯晦。豈必同。各以性所安。子行
獨遠績。奮身青雲端。鄙人棲止處。靈靈出神
自完丈夫志。千載飛沉何足嘆。相期保貞
素。歲晚同金蘭。

表

表

表字永之。吳縣人。嘉靖初。進士。官刑部主事。嘉靖初。明

後用薦起官至
廣西提學僉事

送陳德夫使魯

帝曰封同姓。皇華遣使臣。河山藏漢誓。寶
玉展周親。殿說靈光古。經傳孔壁新。余生
好文獻。一為訪先民。

自柳至平樂道中書事

遠觸蒼梧瘴。初乘灘水槎。蚺蛇睛掛樹。射
蜮書含沙。屋覆湘君竹。山開蜀帝花。夷堅

月言別集 卷七 九

收未盡。博物待張華。

大駕視牲南郊

大路調仙馭。朱旗列禁城。帝牛三月繫。田
燭九衢明。日並龍旒出。山將彩仗迎。橫汾
卑漢詠。禋祀達皇情。

秋興

仙仗行宮舊。內居花間。往往駐鸞輿。徒聞
漢帝橫汾曲。不見長卿諫獵書。天子射蛟
開水殿。奚官牧馬遍郊墟。蕪葭葭首蒼秋無
限。悵望烟雲萬里餘。

王慎中

慎中字道思。晉江人。嘉靖丙戌進士。官至河南參政。遵

巖以古文傳。然五言古亦窺顏謝堂。無無一淺語。滑語。

登金山口絕頂

地紀控西界。靈山且北甸。足弱步屢憇。崖
峭石猶踐。枝樛廼能援。葛脆不可挽。當其
意象開。豈復慮高蹇。瞻峰皆崩崦。陟澗數

迴緬稍覺天地寬。即看雲烟變石竇。芝自
榮。材礪雪尚泫。興濶無近尋。登高有遠見。
周圻矗五雲。易水通一線。微茫辨區曆。
歷皆可辨。長嘯發靈籟。倦坐席苔。新氛垢
苟不嬰。沉慮斯可遣。

遊白虛洞

素嬰印壑。情況秉英賢。想寤寐懸宿心。遊
盤得茲賞。重陰始晦蒙。杲杲旋開朗。攬勝
據巉巖。探竒歷榛莽。境閑百慮空。音愜一
儀廣。野色浮巾衣。秋容成物象。菊含露下
英。泉作山中響。柔葉稍朝零。剗條非夏長。
景物易流徙。今古同俯仰。躊躇悵回軫。何
時還獨往。

遊麻姑山

雲出本無心。擇棲多竒巘。繫予慕真勝。涉
趣不知遠。初緣碧澗行。幾傍丹崖轉。林追

去。虎。蹤。躡。躡。飛。猿。踐。泉。流。逝。淺。深。巖。谷。變。
陰。顯。歎。瀑。遇。留。憩。石。林。時。仰。偃。桂。芳。洞。裡。
秋。霞。映。山。中。晚。探。異。尋。前。期。入。幽。忘。後。反。
神。遊。力。不。懈。理。愜。情。俱。遣。天。路。如。可。梯。欲。
以。微。官。免。

皇甫冲

冲字子浚長洲人嘉靖戊子舉人與弟濬汾濂稱四皇甫

推皇甫兄弟以造詣古澹無一點穠

織之習時二黃三張空存名目耳

維摩寺雨坐

回嶺無仄徑。陟岡有夷壤。展睐入空濛。游
心益昭朗。長風吹輕衣。飄搖翠微上。古寺
迷夕烟。明燈淡綃幌。冥雨從東來。驚雷自
西往。林巒忽不見。但聞山礧響。景寂非避
喧。心瑩乃成賞。為理沉疴蹤。因之知幻象。

於巖石上眺東西兩湖

旭踐山中蹊。午憩巖上石。雲移石欲隨。雨

霽。蹊。猶。濕。倚。策。眺。兩。湖。波。光。渙。相。襲。東。若。既。紆。青。西。蘅。亦。凝。碧。芙。蓉。落。雙。鏡。天。影。浮。重。壁。檣。烏。有。離。聲。磯。鷗。無。並。翼。會。茲。物。化。情。感。彼。高。深。跡。從。適。得。所。遣。何。為。苦。拘。迫。

皇甫汈

汈字子循長洲人嘉靖丁丑進士官至雲南按察僉事。

子循古體出入二謝五言律亦在錢劉之間與兄子安可云敵手。

秋夜把酒對月

宋玉陳九辯。陸機歌百年。悵茲清秋日。聊

使幽懷宣。矯矯歸雲雁。嚶嚶含風蟬。摧芳委朝露。俄景流夕川。鱗運有代謝。薜華無長妍。始知行樂貴。何用居情牽。長夜思秉燭。新月正當筵。金尊泛綠醕。寶瑟絙朱絃。商歌當棗下。楚舞出花前。餘名焉足藉。達生乃為賢。

過武城言子祠作

邈風往。輕橈戴星理。扁擢超忽之。武城有

蕩瞻魯道古邑一何卑。今猷久彌劬。絃歌
謝清響。精華契深造。曰余廁文儒。耽寂違
時好。剖符辭帝京。腰章宰名趙。諒乏操刀
資。懼貽製錦誚。經過緬遐矚。神對宣幽抱。
言采江上蘋。薦此廟中貌。誰謂千載殊。可
以同高調。

奉答子安兄

江郭改故陰。家園藹新霽。柔條始發林。芳
草漸紆砌。潘居信為閒。揚亭况重閉。曰余
忝明時。與子承嘉惠。分省各有譽。佐郡慙
所蒞。暫就北山招。轉愜東田稅。情忘桃李
言。跡豈匏瓜繫。感遇興長謠。來章緬幽契。

從軍行寄贈楊用修

思文際聖君。稽古萃群辟。子雲侍承明。胡
為去荒域。被命事犀渠。差勝下蠶室。憤志
酬八書。榮名重三策。丁年子卿嗟。皓首仲

昇泣看鳶窮瘴烟放鷄定何日業既違操
 觚勲還期畏革五月行渡瀘千里望巴國
 瀘水向東流巴雲忽西匿相思持寸心願
 附雙飛翼用修之才而謫戍邊微有情所
 共悲也擬之馬遷子卿仲昇伏
 波幾於歌以當哭

舟中對月書情

不識別家久。但看明月暉。關山一以鑿。驛
 路遠相違。影落吳雲盡。涼生楚樹微。天邊
 有烏鵲。思與共南飛。

九日寄子約

漫有登高興。兼當望遠何。對花驚白髮。見
 雁憶黃河。亂後書來少。霜前木落多。不堪
 羈宦日。同是阻干戈。

元夕熊子叔抑過集時謫遠州

國論何年定。鄉心此夕搖。雁飛天畔驛。龍
 隱日南橋。謫宦恩非薄。之夷路詎遙。誰憐

梁傅淚。曾灑漢文朝。

寄劉諫議畿

欲將尺素遠相貽。踈懶無如與性宜。北虜
鹿飛榆塞日。西京灰滿栢梁時。中朝望屬
陽司諫。左掖吟憐杜拾遺。定有封章回聖
主。莫須焚草避人知。

廣寒宮登眺

寶閣凌霄建。珠窓映日開。月臨疑桂宇。露

灑即銅臺。山悉圖嶠入。池猶象漢迴。倚妝
花屢發。窺舞鳥能來。傾國元因色。勞民豈
但財。地隨胡運改。棟與美人催。殷監良非
遠。秦官亦可哀。聖朝留故蹟。皇覽日休哉。
以前朝為荒宴之戒
得杜老詠九成宮意

對月答子浚兄見懷諸弟之作

南北何如漢二京。迢迢吳越兩鄉情。謝家
樓上清秋月。分作關山幾處明。

唐順之

順之字應德武進人嘉靖己丑進士官至僉都御史天啟

中道謚襄文

登喜峰古城

時三衛貢馬散牧關外

絕頂孤峰見廢關。短衣落月試躋攀。三秋
豹旅方乘障。萬里龍媒正滿山。候雁以隨
鄉思去。寒花將送使臣還。籌邊迂薄真無
補。空望伊吾抵掌間。

復官後報京師友人

姓名不復挂朝參。魚鳥由來性所耽。篋裡
符經都已廢。山中藥草漸能諳。踈狂自今
三宜黜。癩病其如七不堪。深謝故人推轂
意。莫將陽羨比終南。

冬至南郊

明王敦大報泰時禮神君。位以南離正宵
從甲子。今月臨太乙。節星動羽林。軍除道
疑登岱。鳴簫異度汾。聲容六變合。海岳百

靈紛封檢徵題字屏帷悉畫雲神光人共見天語帝親聞盛蹟誰能賦多慙扈從群

陳

東

東字約之勤縣人嘉靖己丑進士官至河南提學副使

咸寧山中雪霽晚行

雪霽乍見山殘陽稍辭嶺暝色起烟氛寒光散墟井田空獵火還林凍棲鳥警遙聞野寺鐘初月生俄頃

都下秋雨夜飲王子長宅

濶別時何屢蹉跎鬢已侵還朝明主賜卜夜故人心涼雨杯初覆空堂漏欲沉安知非夢寐相對帝城陰

黃省曾

省曾字勉之吳縣人嘉靖辛卯舉人

江南曲

倚旒綠楊樓儂傍秦淮住朝朝見潮生暮暮見潮去有情而必盡言此詩味所以薄也只此說住見言外有無限情事

錢 嶸 嶸字君望南通州人嘉靖壬辰進士歷官參議

憫黎詠

嘉靖戊申。崖吏失御。重以積蠹之餘。群黎遂叛。攻掠城邑。遠近繹騷。撫者無策。漫以牛酒從事。越歲不戢。嘗路請命征討。予分典戎事。深悼討夷之慘。用廣咨諏。卒藉天威。誅獲渠首。殲蕩醜類。總五千餘級。諸村悔過。悉歸。頃焉庚戌。夏四月三日。凱奏底定。追惟致寇。有因覆車。當戒感時。述事。泮然有懷。

在昔邃古初。鴻濛闢天地。絕谷嶂南海。深箐鬱蒼翠。中有黎母居。伊人尚蒙昧。斲石井以飲。渴農田亦時藝。荒路賸匪通。幽局或交市。雖爾隔華界。猶紀王正歲。生黎若草木。榮隕隨和厲。熟黎若鳥獸。獫俟無智慮。

所以古先聖馭之以不治。

粵南本炎嶠。矧此瓊崖東。元東日且和。幽
邇鮮陰風。花柳蔭廣隕。苗黍青芄芄。皇仁
漸南極。草木均化工。豈獨茲黎人。物與非
吾同。軍行值人日。感嘆心沖沖。

朝發城東門。夕駐藤江壘。殺氣下層雲。狼
師渡藤水。雞犬皆震驚。人民盡奔徙。海避
愁蛟蛇。山匿畏虎兇。蛇虎猶可虞。狼毒不

可。邇軍令甚。今明顛仆。何由弭伶俜。泣路
衢。迸淚不能已。嗟哉一將功。豈獨萬國毀。
海南無猛虎。而有麋與麋。元崖產珍木。種
種稱絕奇。斯物出異域。頗為中國推。以苑
重徵索。奔頊令人疲。窮年務采獵。為官共
饋儀。昔去近歲盡。無以充攜持。直欲訴真
宰。鏟此蘇民脂。物理有固然。怛令人思。
葉落當歸根。雲沉久必起。黎人多良田。征

斂苦倍蓰。誅求盡餘粒。尚秦犢與豕。昨當租吏來。宰割充盤几。吏怒反索金。黎民那有此。泣向邏者借。刺箭以為誓。貸一每輸百。肢削痛入髓。生當剝肌肉。死則兵已矣。薄訴吏轉嗔。鎖縛不復視。黎兒憤勇決。挺身負戈矢。鎗急千人奔。犯項非得已。赫赫皇章存。今人棄如紙。

肅將天威。壯士快鞍馬。鋒鏃如星飛。一舉破賊壘。刀斧紛紜揮。剖尸越邱阜。踏血腥川坻。白日暗西嶺。瘴氣昏餘暉。翅鼠墮。前飢鳥逐之。歸征夫懷慘。憂涕泗沾我衣。黎人本同性。云何發禍機。神武貴勿殺。不在斬獲為。是火當息薪。弭兵當弭飢。誰主此厲階。哲士知其非。治之以不。治馭遠人。斂無藝兵。戎於是興矣。誰生厲階。至今為梗。末以弭飢為救亂之本。是真能弭亂者。

老成遠慮可垂炯戒後之
柄國者尚其敬而聽之

尹

耕

耕進士字子莘蔚州人嘉靖壬辰
至河南按察僉事坐

劾戍遼左。子莘七言律本
李空同派有秋笳曉角之聲

秋興

前門千里接雲中。燧火清宵警報同。合陣
幾窺青海月。鳴鞭爭下黑山風。冬殘戰士
衣仍薄。歲歉孤城廩欲空。南國十年輸輓
盡。防秋諸將漫論功。

十萬鳴絃報吉囊。野心狼子是花當。連姻
故自輕中國。分道頻看入漢疆。推轂丈人
空肉食。操戈遺孽尚蕭牆。不應干羽修文
日。歲歲三關有戰場。

威名萬里馬將軍。白首丹心天下聞。遼水
旌旗餘殺氣。泰山松柏已高墳。條侯自靖
中州變。竇憲曾銘塞外勲。獨倚凌烟思將
略。暮天征雁下寒雲。

萬山環合蔚州城。紫塞連雲朔氣清。禾黍
歲時供上谷。烽烟日夜接神京。九宮迤邐
通軍壁。高壘崔巍列虜營。稍喜摧鋒章節
帥。能將俘獲謝蒼生。

上谷歌

大寧無路援開平。極目孤懸獨石城。遙憶
先皇親躍馬。長驅絕塞苦提兵。寒流汨汨
交樵徑。野戍荒荒列漢旌。千載土人談往
事。伯顏山下有英聲。

飛狐倒馬紫荆連。此去朝廷路一千。向日
北門嚴鎖鑰。於今南牧盛風烟。時名受脤
當關將。歲德臨分破陣年。願假精兵渡遼
水。莫令疲病久戈鋌。

紫荆關

漢家鎖鑰帷元塞。隘地旌旗見紫荆。斥堠
直通砂磧外。戍樓高並朔雲平。峰巒百轉

真無路草木千盤盡作兵。誰識廟堂柔遠
意。戟門烟雨試春耕。

上谷歌上楚中丞

戍樓霜重角聲殘。策馬朝登十八盤。紫氣
正當天北極。彩雲時見漢長安。誓將鎖鑰
標銅柱。應有麒麟畫鐵冠。況是六龍巡幸
地。至今谿谷尚鳴鑾。

春懷

春深關塞尚屯兵。萬里防胡拱漢京。不為
翠華臨遠道。豈應金甲廢深耕。轉輸坐見
司徒急。經略親看相國行。莫訝至尊忘北
顧。顯陵遷附聖人情。

往歲關山亦喪師。猶能不失漢旌旗。可憐
虎帳分符日。偏是沙場棄甲時。白草自長
驃騎壘。黃雲空壓李陵碑。書生無計當戎
右。一劍真思報主知。諸詠得少陵諸將遺
意但少開闔變化所

以不逮
古人

皇甫湜 湜字子安長洲人嘉靖壬辰進士官至浙江按察僉事。

子安枕籍選體故五言自高然得風格而遺精理未云詣極也

送周氏

清晨餞我友。駕言遠徂征。前瞻齊魯墟。千里浮雲興。親交豈不昵。懷役不遑寧。曠野多悲風。揚塵翳邊庭。中衢雪霰集。邊馬寒無聲。蹊谷少行跡。側足橫層冰。回首望京闕。能不惻中情。子其祇自愛。順時保榮名。

秋日雜詩

廓處多歡。驚出門眺長衢。悲風吹落日。四顧無行車。蹉跎失盛年。感嘆獨嗟吁。况我在樊籠。六翮不得舒。撫劍思西邁。安得守故廬。淮陰困問里。馬生戀邊隅。桑梓豈我志。蓬藿非我虞。行行舍此去。去去浮雲俱。

將命巡軺徙倚署閣

彌神倦紛牘。徂春悵無樂。庶以散予襟。獨
此稽山閣。霞蔚見層巒。花深隱群壑。本自
滄海人。悔吝滋縻爵。旋里東江輶。徘徊眷
林薄。俄頃惻幽衷。遇物悲離索。且憑浮雲
征。聊希至人託。

發郡城之天台道中述所經覽寄
友

夕夢層城阿。曉行滄波上。縈溪復舍流連
岑時隱嶂。風湍信千轉。雲峰非一狀。錦繡
紛迎翫。氤氳忽彌望。蘭泉芬可掬。苔壁險
難傍。思偕同懷子。攜手追禽尚。

雜興

鶩節流炎紀。馳暉屆清商。游魚湊重淵。蟋
蟀鳴空堂。白露濟前除。陰風來北房。我心
亦何思。所思天一方。離居宛如昨。再覩鴻
雁翔。含情撫遙夜。申旦獨徬徨。哀彼采芣

詩零淚沾衣裳

雪山歌奉寄彭太保

雪山嵯峨控西極。寒井陰光混開闕。千秋
鳥道無陽春。北風慘淡吹峨岷。羽書宵過
褒斜道。火入靈關徹昏曉。愁雲百里填城
河。帳中銀燭然盤陀。將軍狐裘細馬馱。彈
箏伐鼓金叵羅。指麾羽扇白玉珂。背河一
戰。叔蓬波。安銘功。刻石報天子。麒麟閣。一事

已多。憶昔中原全盛日。八方無虞醴泉出。
龍舉空悲劍鳥藏。海南漠北俱蕭瑟。君王
垂衣念西土。錢塘老子不足數。彭公大梁
佇獻捷。已見彤弓出天府。持節心知主恩
重。入關更識王臣苦。文武吉甫非公誰。臨
洮健兒勇如虎。驥子朝披玉壘雲。魚文夜
濕金隄雨。閬中一月見節制。烹羊宰牛酌
清醕。狼籍衣冠頌破竹。馬前父老稱安堵。

園陵佳氣春氤氳。錦官城中日鼓舞。當時
 匹馬更朝天。又逐輕車過酒泉。勲名豈數
 七十戰。至今邊卒高枕眠。歸來謁帝承明
 殿。世事那知一朝變。功成下吏古所悲。浮
 雲蔽日今曾見。天下驚聞柏臺火。匣內空
 留上方劍。北士長歌梁父吟。孤臣獨泣瑤
 池宴。蓮峰落月照黃河。榆谷飛塵暗蘭縣。
 武穆祠西秀水流。一望江山淚如霰。
功臣下吏

今古同悲。改絃變調。如宮聲之換羽也。

西湖歌寄方思道

西湖窈窕三十里。柳絲含烟拂湖水。青山
 蕩漾春風來。蘇公隄邊花正開。玉缸春酒
 映江碧。幾醉江邊柳花白。城頭日出照高
 樓。銀箏翠管喧行舟。吳姝如花捲綃幕。山
 水倒入金屏流。朝來復脫千金駿。還有牀
 頭紫綺裘。人生行樂莫顧惜。落日松風吹

古邱我憶京華舊。遊地漁浦東。看動愁思。醉裡空歌鏡湖月。夢中尚識孤山寺。信安使君還舊溪。應對花危惜解攜。白沙翠竹無人問。湖上孤吟聞馬嘶。

再別兄弟作

可嘆江潭客。重為魏闕游。河梁一悵望。芳草劇含愁。隴樹三年淚。邊雲萬里秋。無由慰棲泊。羈影任悠悠。

蔡

楠楠字子木。德清人。嘉靖壬辰進士官至南京兵部侍郎。

晚晴

山晴欲暮天。山色轉蒼然。泉落雲中磴。溪迴樹杪船。斜明沙際日。遠遍綠蕪烟。還見鳧鷖伴。閒飛秋水前。

黎民表

民表字維敬。從化人。嘉靖甲午舉人。官至布政司參議。

紫荆關

徑轉蛇盤險。雲連鳥去長。山桃微著紫。沙

柳不成黃。重鎮臨天府。神功劃大荒。金城誰獻議。老作尚書郎。

橫翠樓

高樓當絕塞。春望轉氤氳。百戰全燕地。千重大漠雲。控弦無掠騎。飲羽憶將軍。老去親戎馬。悲笳向夕聞。

同鄜別駕蔡山人登九成臺

芙蓉秀色半陰晴。影入空江百丈深。紫閣倒垂星宿象。碧天吹落鳳鸞音。烽塵正屬談兵日。雲路誰為出世心。風景故園猶想象。丹梯吾肯倦登臨。

沈

鍊

鍊字純甫。會稽人。嘉靖戊戌進士。除清豐知縣。入為錦衣

衛經歷。坐劾嚴嵩廷杖。謫田保安州。尋為奸黨所陷。戮於邊。隆慶初。贈光祿寺少卿。諡忠愍。

寄馮敬叔

同作他鄉客。嗟予更滯留。關山明月夜。邊

塞白雲秋漢闕孤臣夢胡笳萬里愁桑乾
河水近知是憶并州

得應職方書詩以答之

郎署飛符日題書問謫居自因鄉使到翻
覺舊交疎塞片塵沙裡邊風鼓角餘誰知
遷客夢夜夜繞鸞輿應是謫
後作

送朱子南還

十年辛苦在京華夢裡何時不見家一照

若耶溪畔月始知楊柳隔天涯

翁大立大立字儒參餘姚人嘉靖戊
戌進士官至南京兵部尚書

吳謳

舊徵未云已府帖重徵新昨朝銀花布今
日金花銀侵晨趨城府薄暮遍鄉鄰一身
應重役奔走無定晨父母生我時胡不百
我身殘軀被箠楚苦切難具陳寧為乞市
兒莫作當官人銀花布金花銀當日徵
稅名目唯吳地行之

王

問

進士官至廣東按察僉事及

卒門人私謚文靖

自山中泛湖歸

登踐窮幽深。下山日已晚。餘照留青蘋。歸雲度蒼巘。對此生遠心。返棹意自緩。川塗風浪平。沿流美清淺。

贈吳之山

城柝聲聲夜未央。江雲初散水風涼。看君

已作無家客。猶是逢人說故鄉。其聲淒

徐文通

文通字汝思永康人嘉靖中進士歷官山東按察副使

岱宗

岱頂凌霄十八盤。中原蕭瑟思漫漫。振衣日觀。三秋曙倚劍天門。六月寒風雨。黃河通瀚海。星辰紫極近長安。小臣願獻逢萊頌。閭闔高懸謁帝難。

陳臯謨

臯謨字思贊江陰人嘉靖甲辰進士歷官南京工部郎中

環縣城遠眺

靈武孤城霽色開。感時還上最高臺。山樓風急熊旗動。關塞天連鳥道回。經略久寒西夏膽。安危深仗北門才。殊方獨抱懷鄉思。日暮愁聞畫角哀。

張居正 居正字叔大。江陵人。嘉靖丁未進士。以庶吉士歷官禮部

尚書入閣。官至太師。謚文忠。

舟泊漢江望黃鶴樓

楓林霜葉淨江烟。錦石游魚清可憐。賈客帆檣雲裡見。仙人樓閣鏡中懸。九秋杳影橫清漢。一笛梅花落遠天。無限滄洲漁父意。夜深高詠獨鳴舷。

楊繼盛 繼盛字仲芳。容城人。嘉靖丁未進士。官兵部員外郎。坐論

馬市。貶秋道典史。事白入為戶部員外。調兵部。疏劾嚴嵩論此。贈太常少

卿謚忠愍。

送徐子與讞獄江南

寥落白雲司半虛。看君此去更何如。西曹
月滿幽人榻。南國星隨使者車。塞雁不堪
行。斷候秋風况是葉。飛初秣陵故舊如。相
問為道踈狂病未除。多婉而

楊

魏巍字伯謙海豐人嘉靖丁未
進士知武進縣入為兵科給
事中累官吏部尚
書進少保太保

早秋登龍門城樓

指點雲州地真為漢北門。入城臨大漠。

路向中原晴日山川映。秋田禾黍繁。文莊
經略處父老至今言。

蕭關北作

塞路山難斷。胡天雲不開。遙驚戍火起。數
見羽書來。周室朔方郡。唐家靈武臺。客心
正多感。羌笛暮堪哀。

姚汝循

汝循字叔卿上元人嘉靖
丙辰進士官至大名知府

郡齋詠懷

巴江清且駛。日有東歸舟。凜凜歲復暮。而我何淹留。才不謬民瘼。位固忝邦侯。負檐過所任。跼踏增煩憂。南山有薄田。猶堪具膳羞。棄捐久不理。稂莠將盈疇。至道貴兼濟。豈固為身謀。十羊方九牧。雅志悵悠悠。安能逐時態。坐取素餐尤。

章崐岡別駕邀登城南樓

樓前新漲迴浮天。把酒登樓思渺然。白鳥於人如有識。青山何處不堪憐。孤舟漁火炊寒渚。蕭寺昏鐘起暮烟。簿領稀疎逢勝景。誰能獨醒向尊前。

魏時亮

時亮字敬吾。南昌人。嘉靖己未進士官至南京刑部尚書。

平壤拜箕子墓并訪井田遺跡

禹。範。留。西。土。孤。臣。獨。向。東。道。無。浮。海。戔。義。與。采。薇。同。舊。井。存。殷。畫。遺。黎。尚。古。風。荒。邱。平。壤。外。麥。秀。想。遺。宮。

柳川碑文盡四十字內安放妥帖神完氣

死

申時行

時行字汝默吳縣人嘉靖壬戌賜進士第一累官少師兼

吏部尚書贈太師謚文定

題清秋出塞圖

生。不。識。醫。無。閤。夢。不。到。狼。居。正。骨。瞥。然。示。我。
出。塞。圖。令。我。目。眩。心。神。徂。憶。昔。籌。邊。贊。廟。
謨。桓。桓。司。馬。傑。大。夫。帝。受。節。鉞。臨。元。菟。高。
憑。熊。軾。佩。虎。符。榆。關。九。月。沙。草。枯。霜。鷹。下。

擊。秋。原。蕪。烟。荒。雲。慘。天。糝。糊。惟。茲。遼。左。僻。
海。隅。頻。年。侵。擾。無。寧。都。射。雕。躍。馬。彎。強。弧。
司。馬。申。令。陳。司。徒。指。揮。鐵。如。意。玩。美。金。僕。
姑。揚。旌。督。戰。親。援。柁。萬。卒。起。趾。爭。先。驅。奔。
狼。突。豕。皆。就。俘。凱。歌。入。奏。天。顏。愉。司。馬。讓。
功。欲。若。無。但。云。將。士。多。勤。劬。何。以。勞。行。役。
請。蠲。幕。府。租。何。以。恤。飢。疲。請。發。司。農。儲。人。
人。挾。纊。齊。歡。呼。自。從。司。馬。歸。江。湖。遼。人。茹。

苦若董茶荷。戈不解甲。挽粟仍飛芻。羽檄徵材官。絡繹在道途。震鄰之恐。非剝膚。騷動根本。何為乎。安得再起司馬。登戎樞。坐紆長策。銷隱虞。國威震疊。邊人蘇。策全在得人與轉輸二者失而邊事壞矣篇內具有識力

大閱詩應制

廟略收群策。六代遊簡六師代。當全盛日。春是大蒐時。雲捧蒼龍駕。風迴翠鳳旗。轅門

開複道。帳殿繞行麾。細柳前軍駐。長楊後騎隨。虬鬚天策將。猿臂羽林兒。拂劍星文動。彎弓月影披。連營分燕翼。布陣合魚麗。禮示二驅正。鋒藏九變奇。張侯仍是豹。賈勇盡如羆。引滿雙雕落。騰空萬馬馳。元戎歸節制。法從肅威儀。詎數誇胡獵。還欣奏凱期。大風歌漢士。吉日誦周詩。我祖犁庭烈。先皇保泰規。永言忘繼述。持以贊雍熙。

歸本於文皇之利半寔孝宗之保
泰寓規於頌大臣進言之辭

唐 鉞 鉞字君錫蘭溪人嘉靖癸
未舉人官任楚府長史

江行

客計方歸越征撓更背吳風螢臨水亂江
月向人孤洲已過迷子山猶及望夫可憐
清夜色強半在長途

許邦才 邦才字殿卿歷下人嘉靖癸
卯舉鄉試第一官德府長史

汴河守凍

客館寒燈淚滿襟間關萬里欲歸心眼前
一水冰霜苦又說三江瘴癘深

皇甫濂 濂字子約長洲人嘉靖
甲辰進士官興化同知

悼子乘

溟溟雨露集熙熙歲始更靈蠢各有化人
理獨無生念我泉下子一絕如朝榮生男
以待終胡為邁天竅清塵布虛室寒晦凝
軒屏宿草旅庭薦哀鳥為悲鳴悵恍鯉趨

日。禮訓猶用情。流目無存影。涕淚交霑纓。
恫憂何能已。嘆息每遺聲。堂闈曠基迹。詩
書空復盈。奚但腸九迴。心膂成頽崩。愧乏
延陵達。無乃傷吾明。

不赴郡檄答子循兄

矯翮思霄翥。游鱗托淵沉。物類各有適。殊
塗難並尋。豈伊世網慮。擾擾誰為心。振衣
還東山。寢迹棲舊林。江海多風濤。舟楫弭
川陰。無令衝波激。但恐歲序侵。願言謝西
府。谷口有徽音。

明詩別裁集卷七

明詩別裁集卷八目錄

李攀龍 三十五首

章美中 五首

王世貞 四十首

謝榛 二十六首

明詩別裁集卷八

長洲 沈德潛確士

周 準欽菜 同輯

李攀龍 攀龍字子鱗歷城人嘉靖甲辰進士官至河南按察使

歷下詩元美諸家推獎過盛而受之

培擊謹呼叫吸幾至身無完膚皆黨

同伐私之見也分而觀之古樂府及

五言古體臨摹太過痕跡宛然七言

律及七言絕句高華矜貴脫棄凡庸

去短取長不存意見歷下之真面目

出矣。七言律已臻高格未極變態

明詩別裁集

卷八

一

跨越
餘子

錄別

顏色無常好。春華一以零。悲風蔽地來。四
顧何冥冥。寤言懷往路。攢衣從此興。寒氣
拳毛髮。涕泗斷為冰。仰視河漢星。離如水
中萍。景光不戀人。遊子豈遑寧。夜依牛羊
宿。日驅駑馬行。努力及明時。安能愛其情。

又錄別

秋風西北來。蕭蕭動百草。蕩子無家室。悠
悠在長道。紅顏能幾時。棄捐一何早。對客
發素書。零涕復盈抱。上言故鄉好。下言故
人老。淺語道
得情出

古意

秋風西北起。吹我遊子裳。浮雲從何來。安
知非故鄉。蕭蕭胡馬鳴。翩翩下枯桑。暮色
入中原。飛蓬轉戰場。往路不可懷。行役自

日詩別集
悲傷。浮雲十字
殊近古人

和許殿卿春日梁園即事

梁園高會花開起。直至落花猶未已。春花
著酒酒自美。丈夫但飲醉即休。纔到花前
無白頭。紅顏相勸若為留。春風何處不花
開。何處花開不看來。看花何處好空回。三
一韻末三句纏聯
而下格調甚新

歲杪放歌

終年著書一字無。中歲學道仍狂夫。勸君
高枕且自愛。勸君濁醪且自酤。何人不說
宦遊樂。如君棄官復不惡。何處不說有炎
涼。如君杜門復不妨。縱然踈拙非時調。便
是悠悠亦所長。

黃河

復就三秦役。還為四牡歌。北風揚片席。大
雪渡黃河。才豈諸郎少。名非一郡多。儒官

明主意吾道好蹉跎

廣陽山道中

出峽還何地。松杉鬱不開。雷聲千嶂落。雨色萬峰來。地勝紆王事。年飢損吏才。難將憂國意。涕泣向蒿萊。

崔駙馬山池燕集得無字

主家池館帝城隅。上客相如漢大夫。十里芙蓉迎劍鳥。一樽風雨對江湖。橋邊取石

鯨飛動臺上。吹蕭鳳有無。向夕不堪車馬散。朱門空鎖月明孤。玩末句應主亡之後

初春元美席上贈謝茂秦得關字

鳳城楊柳又堪攀。謝朓西園未擬還。客久高吟生白髮。春來歸夢滿青山。明時抱病風塵下。短褐論文天地間。聞道鹿門妻子在。祇今詞賦且燕關。誦五六語如見茂秦意氣之高應求之廣

同元美子相公實分賦懷泰山得

鐘字

域內名山首岱宗。側身東望一相從。河流
 曉。桂。天。門。樹。海。色。秋。高。日。觀。峰。金。篋。何。人
 探。漢。策。白。雲。千。載。護。秦。封。向。來。信。宿。藤。蘿
 外。杖。底。西。風。萬。壑。鐘。第二語弱。附記趙鶴登岱句云。山歷星
 辰。從。下。看。海。浮。天。地。自。東。迴。胸。中
 不。知。香。幾。雲。夢。也。惜。通。篇。不。稱

送皇甫別駕往開州

銜杯昨日夏雲過。愁向燕山送玉珂。吳下

詩名諸弟少。天涯宦迹左遷多。人家夜雨
 秋。汜。陽。樹。客。渡。秋。風。瓠。子。河。自。有。呂。虔。刀。可
 贈。開。州。別。駕。豈。蹉。跎。濟南論七律云。王維李頎頗臻其妙。讀此
數篇知得力。有由。

送趙戶部出守淮陽

仙郎起草漢明光。幾載軍儲事朔方。五馬
 新。為。淮。海。郡。三。臺。舊。署。度。支。章。行。車。麥。秀
 隨。春。雨。卧。閣。花。深。對。夕。陽。時。憶。上。林。詞。賦

明詩別裁集 卷八 五
客鴻書遙下楚雲長。

送惲員外按察郢中

醉擁驪駒不可留。送君花發鳳凰樓。青春
開府西陵色。到日登臺北雁愁。寒雨遠分
荆楚望。白雲無盡漢江流。共知人世悲難
合。倘得隋珠莫暗投。

送陸從事赴遼陽

御柳東風吹客過。共看芳草有離珂。西山
晴雪鴻邊盡。北海春雲馬上多。地險時窺
玄菟郡。天驕夜遁白狼河。知君幕下參高
畫。諸將何時議止戈。

上朱大司空

河隄使者大司空。兼領中丞節制同。轉餉
十年軍國壯。朝宗萬里帝圖雄。春流無恙
桃花水。秋色依然瓠子宮。太史但裁溝洫
志。文人何減漢臣風。

懷子相

薊門秋杪送仙槎。此日開尊感歲華。卧病
山中生桂樹。懷人江上落梅花。春來鴻雁
書千里。夜色樓臺雪萬家。南粵東吳還獨
往。應憐薄宦滯天涯。

趙州道中憶殿卿

憶爾檐帷出牧年。風塵誰識使君賢。政成
神雀猶堪下。興盡冥鴻遂杳然。樹色遠浮
踈雨外。人家忽斷夕陽前。重來此地逢寒
食。何處看春不可憐。

平涼

春色蕭條白日斜。平涼西北見天涯。惟餘
青草王孫路。不屬朱門帝子家。宛馬如雲
開漢苑。秦兵二月走胡沙。欲投萬里封侯
筆。愧我談經髻有華。

杪秋登秦華山絕頂

縹緲真探白帝宮。三峰此日為誰雄。蒼龍
半挂秦川雨。石馬長嘶漢苑風。地敞中原
秋色盡。天開萬里夕陽空。平生突兀看人
意。容爾深知造化功。滄溟詩有虛响有
沉著此沉著一路

郡城送友人

西來山色滿城頭。東望漳河入檻流。傲吏
歲時頻卧閣。故人風雨一登樓。亂離王粲
逢多病。著作虞卿老更愁。君到長安相問
訊。誰憐五月有披裘。

張駕部宅梅花

仙郎雪後建章迴。清夜西堂擁上才。笛裡
春愁燕塞滿。梁間月色漢宮來。即看芳樹
催顏鬢。莫厭寒花對酒杯。共憶故人江北
望。因君賦罷倚徘徊。

送楊給事河南召募

醜虜休南牧。朝廷議北征。幄中新授律。天

下大徵兵。使者持符出。君推抗疏名。黃金
秋突兀。白羽日縱橫。嶽雪三花秀。河水萬
馬行。將軍邀劇孟。公子得侯嬴。屠販多豪
傑。風塵鬱戰爭。有呼皆左祖。無役不先鳴。
寧久燕山戍。終期瀚海清。過梁投賦筆。更
為請長纓。

七夕集元美宅送茂秦

祖席陳瓜果。征衣理薜蘿。雲邊看露掌。花
裡出星河。仙吏揮金椀。佳人罷錦梭。新知
天上少。秀句鄴中多。踈拙時名忌。雄豪虜
障過。秋風吹鬢髮。落日渡滹沱。七首荆卿
贈。刀頭桂客歌。明年見牛女。能不憶羊何。

塞上曲送元美

白羽如霜出塞寒。胡烽不斷接長安。城頭
一片西山月。多少征人馬上看。
送元美寄
元美諸詩

可使樂
之歌之

送子相歸廣陵

廣陵秋色雨中開。繫馬青楓江上臺。落日
千帆低不度。驚濤一片雪山來。

寄元美

薊門城上月婆娑。玉笛誰為出塞歌。君自
客中聽不得。秋風吹落小黃河。
漁陽烽火暗西山。一片征鴻海上還。多少
胡笳吹不轉。秋風先入薊門關。

於郡城送明卿之江西

青楓颯颯雨淒淒。秋色遙看入楚迷。誰向
孤舟憐逐客。白雲相送大江西。

懷明卿

豫章西望彩雲間。九派長江九疊山高臥。
不須窺石鏡。秋風憔悴侍臣顏。

贈梁伯龍

太華峰頭玉女壇。別時明月滿長安。不知

秋色今多少。君到仙人掌上。看。

春日聞明卿之京却寄

十載浮雲傍逐臣。歸來不改漢宮春。摩挲金馬宮門外。誰識當時諫獵人。

輓王中丞

中丞名忬元美父也為分宜嚴氏所害

司馬臺前列柏高。風雲猶自夾旌旄。屬鏤不是君王意。莫作胥江萬里濤。
為中丞吐氣而忠厚

宛然之意

幕府高臨碣石開。薊門丹旆重徘徊。沙場入夜多風雨。人見親提鐵騎來。

和聶儀部明妃曲

天山雪後北風寒。抱得琵琶馬上彈。曲罷不知青海月。徘徊猶作漢宮看。
不著議論而一切著

議論者皆在其下此詩品也

觀獵

胡雁鳥制銚北風迴。草盡平原使馬開。臂上

角弓如却月。當場意氣射生來。

章美中

美中字道華。吳縣人。嘉靖丁未進士官至憲副。

暮相思

征帆日已遠。回波不相待。暝色孤峰來。故鄉何處在。日淡墟裡烟。雲盡天邊海。如何暮相思。坐令鬢容改。

仲春虎邱

孤閣生殘照。平臺下夕陰。踈鐘不知處。人影在花林。古刹雲光杳。空山劍氣深。依依池上月。猶復照登臨。

初秋感懷

秋風吹海水。夜色一何長。思婦樓頭月。征人馬上霜。亭臯雲稍白。隴坂葉初黃。物候堪銷落。應憐杜若芳。

送人

送子薜蘿別。悠悠鸞鶴群。亂山秋雨歇。孤

驛暮濤兮去國見飛鳥思家生白雲闔閭
城上月清影為留君

秋思

涼風起燕趙萬里浮雲陰思婦驚秋葉寒
蛩啼暮林霜催銀箭色雁度玉關心蕭瑟
江潭客芙蓉孤渚深

王世貞

世貞字元美太倉州人嘉靖
丁未進士官山東副使以父
難解官後補大名兵備歷仕至刑部
尚書。弇州天分既高學殖亦富自

珊瑚木難以及牛溲馬勃無所不有
樂府古辭高出歷下何啻數倍七言
近辭亦規大家而鍛鍊未純故華瞻
之餘時露淺率選中嚴加汰存不使
胡元瑞諸人
得藉口也

天門開

天門旭呀然豁竅混沌金精發焱若電燭
潢漢十二樓裊魚貫琉璃蹙階火齊塗金圮
光液四射不可仰視屏翳走徇約馳霓旌
霽若搖支朱明曜以東起織阿迫以西垂

白榆歷歷河之湄。天漿滌泗示昭儀。天門
 開朝紫宮中。有使者冠芙蓉。朱衣璧簡縹
 緗青。類有疑無觸。若冥將上帝。命况群生
 顓精稽懇臚。所希惠我來。思庇蒸黎皞皞
 帝功斂希夷。光采灼爍不
 心盡規漢樂

戰城南

戰城南。城南壁。黑雲壓我城北。伏兵搗我
 東。遊騎抄我西。使我不得休息。黃塵合匝

日為青。天糶糊。征鼓發。亂謹呼。胡騎斂。颯
 迅驅。樹若薺。草為枯。啼者何。父叔子。妻問
 夫。戈甲委。積血淹。頭顱。家家招。魂入。墜墜
 自哀。譁告主將。主將若不知。生為邊陲士。
 野。藝復何悲。釜中食。午未炊。惜其倉皇。遂
 長訣。焉得一飽。為野風。騷屑。魂依之。曷不
 覩。主將高牙大。燾坐城中。生當封。徹侯。死
 當廟。食無窮。黃塵合匝三語寫出古戰場
 未即死是征人死功是將軍

身言另裁集

功意特變
化無迹

欽鵒行山海經欽鵒圖贊欽鵒及鼓是殺祖江帝乃戮之于

崑崙之東

飛來五色鳥自名為鳳凰千秋不一見見者國祚昌響以鐘鼓坐明堂明堂饒梧竹三日不鳴意何長晨不見鳳凰鳳凰乃在東門之陰啄腐鼠啾啾唧唧不得哺夕不見鳳凰鳳凰乃在西門之陰媚蒼鷹願爾

肉攬分遺腥梧桐長苦寒竹實長苦飢衆鳥驚相顧不知鳳凰是欽鵒應指分宜言鈐山讀書時天下以姚宋目之故有千秋不一見見者國祚昌之語

將軍行

婁豬化為龍頭角故不分貪狼長百獸那
不食其群有何短老公自稱大將軍從兵
三十萬華蓋若飄雲尺一丹稜篋細刺蛟
螭文一署臣某字直入銅龍門忽開青天

笑雷公不得聞碧眼雙胡兒慣騎大宛駒
與公同卧起辮髮貂襜褕朝令謁天子暮
令拜單于單于開篋看中有尺一書織成
紫瓊瑜恰恰覆窮盧犀毗黃金造密嵌珊
瑚珠團龍五色帛百匹為一角單于大歡
喜親為割肉炙小婦彈琵琶大婦奉羊酪
手取一束箭墨文何錯落為語而將軍物
微意不薄箭鋒但相近各各相引却歸還

告將軍將軍大歡喜今年胡却去好復開
茅土幕府上功簿兩胡對金紫鬼伯何催
促將軍向蒿里嚴霜一夜零華堂遍荆杞
翩翩執金吾緹騎類貔虎急為發其私丞
相下御史支磔將軍骸分梟十二邊車裂
兩胡兒剗肉施烏鷲紅顏夫人婦懸首映
旌旃白面羽林郎含咽向重泉小女配人
奴歌舞侯家筵田園億千疆各自稱新阡

主為衆人恨死為衆鬼憐寄語二心臣貽

真空萬年此詩為仇鸞作鋪叙豐中帶

章紀嚴氏父子事做蕉仲卿妻詩錄墓做有痕故不錄

遙望北印山

遙望北印山塚墓鬱相樛石獸蹲草間妖
狐誤來求斧斤焉施伐原窞各趨疇積泯
漸成無焉能覩其由生時藉世羸迹往神
不留豈若蓬蒿士一語為千秋

過維揚有懷子相

淮南萬木落蒹葭鴻雁秋迴瞻大江水極
眺黃河流念此區中士天翰阻同游巖巖
麗神京英俊滿賓幃豈乏攜手好抗志乃
綢繆浮沉衆自覩安測衷所由奈何各分
離徽音邈以修子如宵行燭分輝均道周
予如汀際鴛哀鳴望其儔

過長平作長平行

世間怪事那有此。四十萬人同日死。白骨
高於太行雪。血飛迸作汾流紫。銳頭豎子
何足云。汝曹自死平原君。烏鷄飽宿鬼車
駟。至今此地多愁雲。耕農往往誇遺跡。戰
鏃千年土花碧。即今方朔澆豈散。總有巫
咸招不得。君不見新安一夜秦人愁。二十
萬鬼聲啾啾。郭開賣趙趙高出秦。爾忽送
東諸侯。說出天道好還使
窮兵黷武者知戒

贈梁公實謝病歸

汝謀結室羅浮頂。下飲仙人葛洪井。桂樹
宛宛山日深。松花濛濛白雲冷。我亦欲買
蜻蜓舟。歸與少年為薄遊。采蓮一曲杳然
去。得醉即卧清溪頭。

送盧生還吳

盧生善詩逸者流。百結鸛鷄安足愁。輾然
一笑別我去。春花落盡胡姬樓。欲留不能

意彌惻。衆中誰憐好顏色。短裘倘過邯鄲道。青草已沒平原宅。吳趨小娃迎問郎。北遊滿地塵茫茫。采菱深處唱一曲。豈若蘆笳能斷腸。

酌孫太初墓

死不必。孫與子。生不必。父與祖。突作憑陵。千古人依然。寂寞一杯土。道場山陰五十秋。那能華表鶴來遊。君看太華蓮花掌。應

有笙歌在上頭。

離奇突兀弔太白山人自應爾爾

陵祀

松楸何不極。復道見行宮。劍珮千官月。橋陵萬馬風。地迴山盡拱。雲合樹俱雄。白首先朝事。傷心涕淚中。

自夾山趣顏神感古

千秋此夾谷。駐馬意徘徊。蒼嶺爭何向。青天線劃開。人疑懸索度。水憶建瓴來。回首

日詩另裁集
卷九
十九
兵車地。虛生命世才。

陪段侍御登靈巖絕頂

徑折全疑盡。峰迴陡自開。蒼然萬山色。忽擁岱宗來。碧澗傳僧梵。青天落酒杯。雄風別有賦。不羨楚蘭臺。蒼然二語可匹。空同泰山詩。

登太白樓

昔聞李供奉。長嘯獨登樓。此地一垂顧。高名百代留。白雲海色曙。明月天門秋。欲覓重來者。潺湲濟水流。

詩樓

送顧舍人使金陵還松江

汝豈因鱸膾。吾曾識鳳毛。青雲歸暫得。白雪和誰高。海色鍾山雨。秋聲笠澤濤。南征有諸將。為語聖躬勞。

送張虞部伯馨左遷常州別駕

把袂翻輕別。沾膺自感時。主恩遷地近。吾

道小臣宜月迴延陵劍潮平太伯祠古人
崇退讓今子莫淒其厚忠

亂後初入吳舍弟小酌

與爾同茲難重逢恐未真一身初屬我萬
事欲輸人天意寧群盜時艱更老親不堪
追往昔醉語亦傷神一身初屬我與書到
汝為人各極沉痛。

五六正是追往昔也
氣雄味厚不愧杜陵

庚戌秋有約吳峻伯不就賦此

漢樹淹胡月天都拂塞塵九關虛虎豹層
閣望麒麟社稷群公手兵戈一介身請纓
還請劍慷慨涕沾巾

義士李國卿歸骨長山哭以送之

生死銜恩在間關病骨遙刀頭空自卜七
首為誰驕風色田橫館寒雲豫讓橋豈無
心一寸魂斷竟難招

書庚戌秋事

傳聞胡馬塞回中。候火甘泉極望同。風雨
 雕戈秋入塞。雲霄玉几畫還宮。書生自抱
 終軍憤。國士誰譏魏絳功。北望蒼然天一
 色。漢家高碣倚寒空。
三句言宣大兵入援
 四句言上自西苑還
 也
 大內

登岱

尚憶秦松帝蹕留。至今風雨未全收。天門
 倒瀉銀河水。日觀翻懸碧海流。欲轉千盤
 迷積氣。誰從九點辨齊州。人間處處襄城
 轍。矯首蒼茫迴自愁。

壁立芙蓉萬古看。削成松檜隱高盤。中峰
 翠壓徂徠色。絕頂青收碣石寒。梁甫吟成
 還自和。茂陵書就欲誰干。依微白馬吳閭
 在。欲向秋風問羽翰。

軒轅皇帝有高臺。鞭石千秋輦道開。匹練
 天縈吳觀出。金泥日射漢封回。西盤瓠子

河如帶。東挂杖。桑海一杯。誰為登壇論王
氣。祇應塵世有仙才。

盤山

千盤歷盡更茫然。回首中原暝色邊。峽轉
琳宮藏漢月。峰排紫劍插胡天。雲根檜坼
龍鱗起。磴道泉歸玉乳懸。深夜不須驚鼓
吹。看予箕坐嘯風前。

行部高陽遇河決不浸三板

投馬虛疑捷石城。射蛟或恐海神驚。陸沉
玄圃千峰細。天倒黃河萬堞平。漸老中原
魚沸鬣。欲歸南極虎縱橫。濁醪誰是高陽
侶。遙夜窮愁白髮生。

同省中諸君過徐丈

詞客真同河朔遊。主人偏解孟公留。高城
過雨涼生席。殘葉如花明月滿。樓紫玉行杯
彈出塞。紅牙催拍按梁州。更憐少日閭門

侶菱葉芙蓉湖上舟。

立春前一日過尹汝漁副使飲

東走齊河水雪開。鬱蔥佳氣近樓臺。相逢
臘向尊中盡。敢道春從使者來。落日千門
飛鳳去。黃雲一騎按雕迴。知君且住袁絲
里。陸博酣歌未易才。

寄家弟振美

江頭風色峭帆新。江雁銜蘆來往頻。握手
已非生別地。題詩還是暫時人。天橫北海
書難信。日落吳門練未真。俗敝汝曹無可
却。時違豺虎即酒親。應是家
難後詩

寄耿中丞子承

黃龍東去海雲低。玄菟城頭烏夜啼。帳下
青羌新屬國。軍中白馬舊安西。牙旗月擁
諸陵出。甲帳天迴萬堞齊。最是酡酥爭杯
處。不妨飛捷醉中題。

送徐子與祀康陵

佳城蔥鬱鎖楸梧。武帝神游定有無。金榜
 星辰千嶺逼。翠旗風雨萬靈趨。俱傳駿足
 留瑤海。亦有龍髯墮鼎湖。此日詞臣空灑
 淚。獻陵春望已模糊。
題祀康陵結到望獻陵見遺澤在人不忍

戚大將軍入帥禁旅枉駕草堂賦

此贈別

初聞小隊駐吳江。忽漫花溪隱畫艫。細柳
 尚虛金鎖甲。前茅時緩碧油幢。南中舊部
 思馳義。塞上新城喜受降。倘寫雲臺須第
 一。如論國士總無雙。

憶昔

憶昔南巡漢武皇。樓船車馬日相望。輕裘
 鄠杜張公子。挾瑟邯鄲呂氏倡。秋盡旌旗
 營細柳。夜深烽火獵長楊。孤臣亦有遺弓

淚不見當時折檻郎

張公子指錢寧一流呂氏倡謂劉瓛

故關

四塞河山險中通一線行雄關蔽全趙壘
障拱神京尺地分寒暑中天各晦明秋英
開繡壁夕照吐金城屋似浮空置田疑傍
漢耕雲根穿作竇石髓借為粳樹雜旌旂
擁峰陪劍戟迎符從襄子計陣擬率然名
廣武堪稱客成安未曉兵古來興廢事大
半誤儒生

送妻弟魏生還里

阿姊扶牀泣諸甥繞膝啼平安只兩字莫
惜過江題

從軍行

蹋臂歸來六博場城中白羽募征羌相逢
試解吳鉤看已是金河萬里霜

西宮怨

點點蓮花漏未央。乍寒如水浸羅裳。誰憐金并梧桐露。一夜鴛鴦瓦上霜。

飲歐陽鎮朔即事有贈

旌旗春偃白龍堆。教客休停鸚鵡杯。歌舞未殘飛騎出。月中生縛左賢來。

廣陵訪周公瑕不遇

豪華自古讓維揚。一水橫江即異鄉。二十四橋歌吹遍。不知何處覓周郎。

戚將軍贈寶劍歌

母嫌身價抵千金。一寸純鈞一寸心。欲識命輕恩重處。灞陵風雨夜來深。

曾向滄流刺怒鯨。酒闌分手贈書生。芙蓉澀盡魚鱗老。總為人間事漸平。

謝榛榛字茂秦臨清人自稱四溟山人。四溟五言近辭句。

字鍊氣逸調高七子中故推獨步古辭局守規格有宗法而無生氣弗取也。

榆河曉發

朝暉開衆山。遙見居庸關。雲出三邊外。風生萬馬間。征塵何日靜。古戍幾人閑。忽憶棄繻者。空慙旅鬢斑。

讀風生萬馬間紙上
有聲若衍成二語氣

味便薄

大梁冬夜

坐嘯南樓夜。孤燈客思長。人吹五更笛。月照萬家霜。歸計身多病。生涯鬢易蒼。征鴻向何許。春意遍湖湘。

居庸關

控海幽燕地。彎弓豪俠兒。秋山牧馬處。朔塞用兵時。嶺斷雲飛迴。關長鳥度遲。當朝有魏尚。復此駐旌旗。

送謝給事封蜀

使星巴蜀外。漢節夜郎西。樹斷分金馬。江清見石犀。王孫重茅土。天子錫桐圭。異世

懷張載應留劍閣題

渡黃河

路出大梁城。關河開曉晴。日翻龍窟動。風掃雁沙平。倚劍嗟身事。張帆快旅情。茫茫不知處。空外擢歌聲。

翻字掃字得少陵詩眼法

初冬夜同李伯承過碧雲寺

並馬尋名寺。登高藉短筇。飛泉鳴古澗。落月在寒松。石路經千轉。雲巖復幾重。人間多夢寐。誰聽上方鐘。

李行人元樹宅同謝張二內翰話

洞庭湖

南望岳陽郡。蒼茫吳楚分。帆迴孤島樹。樓出九江雲。落日波中沒。秋風天外聞。何時采蘋藻。湖上弔湘君。

暮秋簡徐別駕載卿

南征秋轉劇。不寐夜漫漫。白髮艱虞出。滄

洲。去。住。難。旌。旗。連。野。暗。兵。甲。照。江。寒。選。將
須。更。事。誰。能。議。築。壇。

元夕道院同公實子與于鱗元美

子相五君得家字

長。空。月。正。滿。遊。騎。隘。京。華。夜。火。分。千。樹。春
星。落。萬。家。乘。開。來。紫。府。垂。老。問。丹。砂。笙。鶴
歸。何。處。依。稀。見。彩。霞。春星五字亦警亦
秀自能高壓滿坐

七夕敬二君餞別得秋字

北。斗。挂。城。頭。明。河。迴。不。流。人。間。清。露。夜。天
上。白。榆。秋。聚。散。多。岐。路。悲。歡。自。女。牛。誰。知
老。來。拙。回。首。故。鄉。樓。與朝暉開衆
山一種起手

送樊侍御文叙之金陵

地。入。維。揚。路。天。分。牛。斗。墟。秋。帆。二。水。外。春
草。六。朝。餘。冰。雪。生。官。舍。風。塵。走。諫。書。從。來
經。國。者。寧。不。念。樵。漁。

送欽水部子辰之沛中

明詩別裁集 卷八 三十一
清標憐水部。南去意何窮。樹色分淮甸。河
流見禹功。亂帆春草外。古堞暮雲中。感慨
登臺處。蕭蕭起大風。

有感

薄伐元中策。論兵自古難。漢唐頻拓地。將
帥幾登壇。絕漠兼天盡。交河蕩日寒。不知
大宛馬。曾復到長安。

野興

白白霜凝地。飛飛鴈渡河。孤峰依漢迥。老
樹得秋多。月曉山精伏。時清野父歌。短筇
隨我意。一徑入烟蘿。

秋日懷弟

生涯憐汝自樵蘇。時序驚心尚道途。別後
幾年兒女大。望中千里弟兄孤。秋天落木
愁多少。夜雨殘燈夢有無。遙想故園揮涕
淚。況聞寒鴈下江湖。

夜話李孺長書屋因懷其尊君左

納言

忘年爾我重交情。論事相同見老成。月到

廣除寒有色。鴉歸疎柳夜無聲。三農最苦

江南稅百戰。方休海上兵。歲暮銀臺應感

歎。幾人封事為蒼生。時江南增稅海寇方息山人感事及之非

泛作憂時語

中秋宴集

滿空華月好登樓。坐倚高寒攬翠裘。江漢

光翻千里雪。桂花香動萬山秋。黃龍塞上

征夫淚。丹鳳城中少婦愁。詞客共耽今夜

酒。漫彈瑤瑟唱伊州。

送謝武選少安搞師固原因還蜀

會兄葬

天書早下促星軺。二月關河凍欲銷。白首

應憐班定遠。黃金先賜霍嫖姚。秦雲曉渡

月言另集

卷八

三

三川水蜀道春通萬里橋一對耶筒腸欲

斷鷓鴣原上草蕭蕭將題意逐層安放一氣轉摺有神無迹與

高青邱送沈左司詩三百年中不易多見者也

送王侍御按河南

塞上初歸復此行燕南極目送飛旌天連

嵩嶽寒雲盡馬渡黃河春草生簪筆常思

未央殿封章時發大梁城知君最愛應劉

賦更向西園一寄聲

七夕留別汪伯陽李于鱗王元美

得知字

久客言歸意留連幾故知鷓鴣星度夜燕

館月沉時天上纔歡合人間轉別離晴分

絳河影秋動白榆枝桂醕還成醉萍蹤不

可期年年湖海上今夕定相思

行路難

荀卿將入楚范叔未歸秦花鳥非鄉國悠

悠行路人。

平淡語而行
路之難自見

秋閨曲

目極江天遠。秋霜下白蘋。可憐南去雁。不為倚樓人。

塞下曲

旌旗蕩野塞雲開。金鼓連天朔雁回。落日半山追點虜。彎弓直過李陵臺。

漠北詞

石頭敲火炙黃羊。胡女低歌勸酪漿。醉殺群胡不知夜。鷄兒嶺下月如霜。

擣衣曲

秦關昨夜一書歸。百戰猶隨劉武威。見說平安收涕淚。梧桐樹下擣寒衣。
可憐無定河邊骨猶是春閨夢裡人。幾於哀感頑艷矣。此詩可以嗣音。

遠別曲

郎君幾載客三秦。好憶儂家漢水濱。門外

明詩別裁集

卷八

三四

兩株烏柏樹。叮嚀說向寄書人。寫情極真

葉爛一篇可
云新聲古意

明詩別裁集卷八

